

## ՊԱՐՈՒՅՐ ՍԵՎԱԿ

Какой светильник разума угас!  
Какое сердце биться перестало!

Некрасов



Ուզում եմ այսպես խորագրել այնքան անժամանակ և այնքան ողորդական մահով մեզնից բաժանված բանաստեղծի մասին ասելիք խոսքս... սոսկ անունով: Զէ՛ որ Պարույր Սեակն այժմ և ընդմիջտ դարձավ մեկը այն նվիրական անուններից, որոնք ինքնին, առանց շքեղ մակդիրների, խորհրդանշում են մայրենի լեզվի թուլանք և մտքի խոլանք, սրտի թրթիռ և հոգու կորույժ, լույսի բաղձանք և արթուն խիղճ...

Ասում են՝ վերքի կսկիծն առավել զգալի է դառնում մի որոշ ժամանակ անց:

Ասում են նաև՝ լեռան բարձրությունը որոշելու համար տարածություն է հարկավոր, հեռացում:

Ճիշտ են թե՛ մեկը և թե՛ մյուսը:  
Վերքը դեռ շատ է թարմ:

Եվ Պարույր Սեակը դեռ երեկ էր, որ մեր կողքին, մեղ հետ զրուցում էր, վիճում, կատակում, ժպտում, և երբեմն՝ թախծում, մռայլում, լռում:

Իսկ այժմ, երբ նա լռել է ընդմիջտ, նրա հետ զրուցելու այլևս անիրականանալի փափագը ինչ-որ չափով հագեցում է ստանում նրան ընթերցելով: Ընթերցում, վերընթերցում ես Պարույր Սեակի բանաստեղծություններն ու պոեմները, հոգվածներն ու ուսումնասիրությունները, զեկուցումներն ու ճառերը, հարցազրույցներն ու ասույթները: Ի՛նչ խոսք, դրանք մեկ առ մեկ ընթերցել էիր ժամանակին, երբ նա դեռ կար, ընթերցել էիր և հաճախ հայտնել զարմանքդ ու հիացմունքդ, երբեմն նաև տարակուսանքդ ու առարկությունդ:

Սակայն այժմյան ընթերցումդ ա՛յլ է:

Այժմ սկսում է գործել տարածության օրենքը:

Զգտում ես տպավորությունների համադրել, ընդհանրացնել, զարմանքդ ու հիացմունքդ իմաստավորել, Պարույր Սեակին ու նրա ստեղծագործությունը դիտել հայ զրականության, մասնավորապես պոեզիայի պատմական զարգացման ընթացքի մեջ, որոշել այդ բացառիկ գործիչ անհատականության անդն ու դերը մեր գեղարվեստական մտածողության համակարգում:

Մեծ բանաստեղծները ծնվում են պատմական մեծ հեղաբեկումների բովում:

Պ. Սեակը հանգես եկավ Հայրենական պատերազմի սկզբին, ճանաչվեց որպես բանաստեղծ եկամտքն աստճա և բարձրացավ այդ ժամանակաշրջանի հայ պոեզիայի մակարդակին: Առաջին իսկ բանաստեղծություններում նա դրսևորեց իր ստեղծագործական անհատականության առանձնահատուկ գծերը, որոնք, սակայն, դեռ որակ չէին կազմում: Պարույր Սեակը սկսվում է ծնորից քեզ հետ ժողովածուով և խորանում, բյուրեղանում է Ձևն լուծելի Ջանգալատուն և ծեռածայն պատարագ պոեմներում, ՇՄարդը արի մեջ, և, մասնավորապես, Եղիցի լույս գրքերում, նշանավորելով հայ պոեզիայի

նոր աստիճանը Չարենցից հետո: Արվեստի, գրականության ճշմարիտ արժեքները ծնվում են մեծ ասելիքի բուռն, անդրմաղրելի պահանջից: Առաջապիտի ինչ-ն է և ապա ինչպե՞ս—ը: Այդ է հավաստում Պարույր Սևակը թե՛ որպես բանաստեղծ-ստեղծագործող և թե՛ որպես տեսարան-գրականագետ:

Ամենից առաջ խոր արմատներով նա կապված է իր ժողովրդի, նրա պատմության հետ: Հայրենիքի անցյալի զեղարվեստա-փիլիսոփայական իմաստավորումը, որ 50-ական թվականների մեր գրական սերնդի պատմական առաքելությունն էր, առավել ցայտուն դրսևորվեց Պարույր Սևակի ստեղծագործության մեջ: Արդի հայ պոեզիան նա հարստացրեց պատմա-գեղարվեստական ժանրի այնպիսի գլուխգործոցներով, ինչպիսիք են «Անլուխի Զանգակատուն», «Եվ այդ մի՛ Մաշտոց անուն», «Եռաձայն պատարագ պոմաները: Անցյալի հերոսականն ու ողբերգականը նա դիտեց և իմաստավորեց այն բարձունքից, որի վրա կանգնած էր մեր ժողովուրդը քսաներորդ դարի երկրորդ կեսին: Այդ բարձունքից դիտելով, նա հավաստեց թրի դեմ՝ գրչի, բռնության դեմ՝ բանականության, ոճի դեմ՝ հանճարի հաղթանակը:

Պարույր Սևակի ասելիքը չի սահմանափակվել ազգային շրջանակներում, նա դուրս է եկել և թևածել համամարդկային-համաշխարհային ոլորտներում: Ազգային և համամարդկային ներդաշնակումը նա համարում էր մեր ժողովրդի աշխարհայեցությանը ներհատուկ. «Ես բաց ճակատով և լեցուն հպարտությամբ պիտի վկայեմ,— գրել է բանաստեղծը,— որ ես հայ եմ՝ զավակը մի ժողովրդի, որ իրոք շատ բան է տվել աշխարհի քաղաքակրթությանը և տվածի մեջ էլ՝ ինձ համար ամենաթանկն ու ամենագեղեցիկը՝ իր այլասիրական այն ոգին, որ եվրոպացից արտուիզմ են կոչում, իսկ մեր երկրում գերադասելի է կոչել ինտերնացիոնալիզմ»:

Ինչպես հայրենասիրությունը, այնպես էլ հումանիզմը (որոնք ո՛չ միայն իրար շեն բացառում, այլև պայմանավորված են միմյանցով) կազմում են Պարույր Սևակի ստեղծագործության պաթոսը: Վերջին տարիների նրա մի շարք բանաստեղծությունները համակված են խոր տագնապով ատոմային դարաշրջանի աշխարհի համար, մարդկության ճակատագրի համար («Առաջադրանք համայն աշխարհի հաշվիչ մեքենաներին և ճշգրիտ սարքերին», «Անորոշություն», «Դիմում պահանջելու պես», «Ուղում եմ», «Բարեւ»)։ Առաջնալիքն է դառնում մարդու և մարդկայնության խնդիրը, որին և նա նվիրել է բանաստեղծությունների մի այլ շարք: Եվ

կպատշաճեր դրան տալ «Մարդերգություն» խորագիրը:

Մարզն է արարիչը երկրի և երկնի, նրա ձեռքին է աշխարհի բախտը, իր բախտը, մարդկության ապագան: Սրանով պիտի բացատրել բանաստեղծի այրող ատելությունը մարդու մեջ դեռևս գոյություն ունեցող արատների նկատմամբ և հրճվանքն ու հիացումը մարդկային առաքինությունների հանդեպ: Ի վերջո մարդկայնությունը պիտի հաղթանակի, Այս հավատն է ներշնչում Պարույր Սևակի «Մարդերգությունը»:

Եվ ընդհանրապես նրա ստեղծագործությունները օժտված է ներգործուն հզոր ուժով, որով և հատկանշվում է մեծ արվեստը:

Պարույր Սևակը գրավում, հմայում է խոստովանության նման ճշմարիտ ու անկեղծ իր խոսքով, երազանքների և իդեալների պատանեկան մաքրությամբ, փիլիսոփայական-վերլուծող մտքի անպարագիծ սլացումներով, բարի հումորով և սարկաստիկ ծաղրով: Նրա հմայքի մի այլ գաղտնիքը պետք է որոնել տաղաչափական ազատ, անկաշկանդ, բազմազան ձևերի, ստեղծագործական երևակայության երփներանգ փայլատակունների, ասոցիացիաների և պատկերավոր մտածողության ինքնատիպ, անակնկալ և անկրկնելի գյուտերի մեջ... Պարույր Սևակի ստեղծագործություններում ի հայտ են գալիս հայոց լեզվի՝ ինչպես ոսկեդենիկ գրարարի, այնպես էլ ժամանակակից գրական և խոսակցական հայերենի բոլոր հրապույրներն ու հնարավորությունները:

Պարույր Սևակը հավաստում էր այն ճշմարտությունը, որ «Գրական երևույթներն իրենց իսկական արժեքն ստանում են գրականության ընդհանուր զարգացումը կշռող նժարների վրա», և որ՝ գրողի «ամենապարտադիր մի նստուկանիշը զարգացման զգացողությունն է»:

Ինքը՝ Պարույր Սևակը, մեծապես օժտված էր «ղափաշխանի զգացողությամբ», և նրա ստեղծագործությունը իր ձևով ու բովանդակությամբ համարձակ կարող է դրվել մեր դարաշրջանի գրականության «ընդհանուր զարգացումը կշռող նժարների վրա»:

Լինելով իսկապես ճեղքաբեկ, նա վճռականորեն ժխտում էր ոմանց կողմից նորի և ավանդականի միջև գրվող շինական պարիսպը: Նա մեր պոեզիան նոր աստիճանի բարձրացրեց՝ յուրացնելով և զարգացնելով հայրենական և համաշխարհային դասականների ավանդները՝ նարեկացուց մինչև Սիամանթո ու Չարենց, Ուիտմեն և Ապոլիներ:

Պարույր Սևակը նաև հայ և համաշխարհային գրականությանը քաջատեղյակ գրականագետ էր, ներհում մտածող, հմուտ բանասեր:

Վերջին երկու տասնամյակի հայ գրա-պատ-մական մտքի ամենատաղանդավոր, ամենավառ արտահայտություններից են նրա՝ «Տերյանը զա՛նաչոււմ է», «Սրի դեմ՝ գրիչ» (Մեարոպ Մաշտոց), «Հանուն և ընդդեմ ռեակիզմի նախահիմքերի», «Դիմանկարի փոխարեն» (Կոմիտաս), «Թումանյանի հետ» և շատ այլ հոգ-վածներ, Հայաստանի գրողների V համագումարում արտասանած ճառը, Զարենցի ծննդյան 70-ամյակին նվիրված զեկուցումը և մանավանդ «Սայաթ-նովա» մենագրությունը, որի տեղը հայագիտության դասական երկերի շարքումն է։

Հայ ժողովրդի ստեղծագործական հանճարի դրսևորումներից յուրաքանչյուրին անդրադառնալով, լինի դա Մաշտոցը, Սայաթ-նովան, Կոմիտասը, Թումանյանը թե Զարենցը, Պարույր Սևակը հանգեն է բերում երևույթների ընկալման զարմանալի ներհուն զգացողություն, կատարում է ինքնատիպ բացահայտումներ, խոր ընդհանրացումներ, միշտ հիացնելով իր մտքի համարձակ թռիչքներով, կուռ տրամաբանություն՝ արելով ու սնելով ընթերցողի միտքը և կրկին ու կրկին ցույց տալով հայոց լեզվի հրապույրներն ու հնարները։

Նվ միշտ անցյալի պատմական թե գրական երևույթները նա գիտում է և քննում այսօրու-րարծունքներից, արդի հայ մշակույթի ու գրականության զարգացման շահերի տեսակետից։

Իր գրական հոգվածների և ելույթների մի զգալի մասում Պարույր Սևակի հիմնական մտահոգությունը եղել է՝ սովետահայ գրակա-նությունը դուրս բերել տեղայնության անձուկ շրջանակներից և բարձրացնել գարաշրջանի

ընդհանուր դարգացման մակարդակին. հիշեց-նելով, որ այժմ թեև նպես գիտության, այնպես էլ գրականության զարգացումը ընդհանուր-հա-մաշխարհային բնույթ է կրում...

Նվ որպես ավանդ իր կրտսեր գրչակիցնե-րին, նա ազդարարում է. «Ժողովուրդների (մա-նավանդ փոքր ժողովուրդների) հաճախման երկու եղանակ կա միայն. կա՛մ ընթացալ հա-մամարդկային լաղալակրություն հետ զուգա-լայլ, կա՛մ ապրել նախնական-վաչկատեային կյանքով։ Այս վերջին համարում մեր առջև փակ է և փակ է արդեն ավելի քան 1500 տարի»։

Միշտ առջևից ընթացող, առաջ նայող, միշտ զեպի առաջ կանչող...

Այսպիսին էր Պարույր Սևակը՝ մեծ բա-նաստեղծը, իր ժողովրդի արժանի զավակը, գարաշրջանի վսեմ զաղափարների շեփոհարն ու ազնիվ աշխարհաքաղաքացին, լուսեղեն զա-լիթի անհոգողող հավատավորը։

Նա կայծակնահար ընկավ իր հզոր, շոյլ տաղանդի ամենափթթուն պահին, երբ լեփ-լե-ցուն էր ստեղծագործական զեզեցիկ մտահոգ-ցումներով ու գիտական ծրագրերով, երբ դեռ այնքա՛ն շատ ասելիք ուներ։

Կորուստն անչափ մեծ է և անվերադարձ։

Անփարատելի-վշտի միակ հնարավոր սփո-փանքը Պարույր Սևակի թողած ծանրակշիռ, խո-րախորհուրդ հոգևոր ժառանգությունն է՝ հա-վիտյանս ժամանակների ավանդված յերունդ-ների, որոնք նրա նվիրական անունը պիտի հիշեն օրինական հպարտությամբ, ակնածան-քով ու սիրով։

Ա. Մ. ԻնժեՆԳԱՆ